



Tuhaaqyakhaq

Qillaminuaq Tuhaqtitauyukhaq

Nuutaanik amigaitilaagutiit nallautiqhimayut talvuuna Beverlymi Ahiakmilu tuktuit amigaitilaangit.

IQALUIT, Nunavut (Maassi 7, 2013) – Nunavut Kavaman, Avatiliqiyikkut, ihuaqtumik iniqtirivaktun amigaitilaangit nallautiqhimayut talvuuna Beverlymi Ahiakmilu tuktut amigaitilaangit. Talvuuna Immaruktirvia 2011mi ihivriuhimavaktun tuktuit amigaitilaangit talvani Beverlymi nugaaqviini nunangani Beverlymi Tahiqni talvanilu Queen Maud Gulfmi, taimalu nugaaqviini nunangani Ahiakmi amigaitilaangit nunami talvani Adelaidemi tikiraqmi, kivataani Kugaarukmi. Tamna ihviriutjutiit nallautiqhimayut naunairutivaktun taima 124 tausunik tuktulik talvani Beverlymi tuktutaini taimalu nallautiqhimayut 83 tausin 3 hanat tuktut talvani Ahiakmi tuktutaini.

“Tuktut akhuuqnaqtuq ilangagamik Nunavutim nunangani avatikhanut,” uqallaktuq James Arreak, Nunavunmi Ministauyuq Avatiliqiyikkutni. “Taima akhuuqnaqtumik niqqautauvakamik, aannuraaqhaqnik, maniliurutikhavaktunlu talvuuna hivulliqtiqaqhutik anguyumayunut, pullaaqtunutlu, maniliuknahaqtuniklu anguvaktunut. Tamna akhuuqnir talvuuna tuktunik Nunavunmiunut pitquhiptingnutlu ihuigiyauyukhaungitun.”

Ihivriutjutikhat aulahimavaktuq talvuuna Nuanvut Kavamakkut Avatiliqiyikkukut, taima katimaqatigiqaakhutik Nunavut Tunngavukkutni tapkuatlu qauyihaiyiit nallunaqtunik talvanga Saskatchewan-mi Nunatsiaqmi kavamangit. Ilauqaqhunilu, 38nguyut nunalaani ilauqatigiplugit, ilauvaktunlu 34nguyut Nunavunmi angirutiqagtunik, malruq Saskatchewan-mi ilauqatigivaktun malruqlu GNWT-kunin ilauvaktun ilaqatigivaktun uvani hanaqitjutikkut mikhaatigun.

“Tamna ihviriutjutikhat naunaiyagiikhimayut ihuaqtumik tuhaatjutiqagtut,” uqallaqtuq Nunatsiaqmi Avatiliqiyiikkutni Minista J. Michael Miltenberger. “Taima naunaiyagiikhimayut amigaitilaangit nampangit, tamna GNWT-kut uqaqhimaqniaqtuq taima qaffiuyunik angugiaqaqtun talvanga Beverlymi Ahiakmilu tuktutainik taima Beverly-lim Qamaniryuaqmilu Tuktunik Munagiuyut Katimayiit kavamangitlu Nunavunmi Saskatchewan-milu.”

Tamna kingulir nugaaliqiyut tuktut nunalaani amigaitilaangit ihivriutjutiit talvani Beverlymi tuktutainik, tingmilukaakhutik Immaruktirvia 1994, nallautiqhimayut tuktut amihuaqyuit taimaitkaluaqtun 276 tausinnik tuktut. Una hivriutjut hanaqitjutikhaq naunaiyaivaktuq taima

hivulliuopluni nugaaliqiyunut nunangani takuplugit amigaitilaangit talvani Ahiakmi tuktuutaingit aulavaktuq. Taima pivalliatjutikhaq uuktutikhaqlu nuutaanguyuq hanaqitjutikhaq, havakhimayuq uvvuna ihivriutjutikhatigun atuqhutik hitamanik qunngiaktukhanik, taima ihuatqiamik nallautiqtiyaangat nallautigutingnik. Tamna nallautigutikhangit avatqutigivaktait tamaita ihumagiyaayut taima ihuatqiamik nallautiqhivaktun talvuuna Beverly-mi tuktuutainik ublumun.

“Tamna tuktu amigaitilaangit taima nampangukhimayuq talvanganin Immruktirvia 1994min amigaitilaangit nallautiqhimayut,” uqallaktuq Minista Arreak. “Nunavut Kavaman ilitagihimayut taima aulahimaaqlutik munagiyakhagiyaat munaqatgiiqaqlutik havaqatigivaktait taima ihuaqtumik munagiyaayut ukuninga tuktu taima qanurlikiak upautiyaangat piutikhaqnik aulayut hadja hivunikhavutlu.”

Ilaunikkutlu nuutaq amigaitilaangit nallautiqhimayut, iniqtilihaaqhimayut nunami unghiktilaatigun aulaviingit ihivriutjutikhaqni qunguhiqtiutikhat tuktu aulaviit naunaiyaivaktun taima Beverlymi tuktuutait nuutiqhimaliktun nugaaqviit taima 2 hananik 3hananguqhuni tunnunirmun. Huuq una nuutiqvaa ilihimatuqangituq, taima aulayungnaqhiyuq inugainikkut nanminiginikkutlu, ilauqaqhimayuq: inungnit akuktaunikkun, taima apquliuktunik anguniaqtuniklu tuktunik; kiktugianikluuniit, nirinirutikhanikluuniit, huraatjanitluuniit, ikualaaqtunikluuniit. Aatjikiiviyaktun aulaviit titiragiihimayut talvuuna allat nunamiitunik tuktu amihuaqyuit.

Nunavut Kavaman pangnaiyainiaqtun allanguqtigutingnik talvanga Immaruqtirvia 2011mi naunairutingnin, taima ikaaknikkut ihuagutikhaqnik ihumaliugiangat munaginikkut havagianganik.

Kiinauyaliqitjutikhat tuktunik niqikhautikhait Nunavunmiunut taima ihuaqtumik nallautiqhimaqaugiangat taima avatqumayuq 22 milian tallanik ukiuk tamaat atuqtauniaqtuq nunaqyuaptigini. Tamna Qamaniryuaqmi Beverlylu tuktuutaingit atautimun nallautiqhimayut tuniniaqtun taima 15 milian tallanuk taimalu 5 milian tallanik ukiuk tamaat, pittiarutikhatigun, taima ihuaqtunik niqautigiyaangat anguniaqtun.

Naunairutikhat amigaitilaangit ihivriutjutikhat ilauqatigiiliktun talvuuna Beverlymi Qamaniryuaqmilu Tukturnik Munagiyunut Katimayit taimalu allat atuiniaqtun tukturnik.

Inigiikhimayuq ilitugitjutikhat pigiaqaqtun talvuuna Nunavut Kavamanmi qaritauyakkuurutikkut uvani: env.gov.nu.ca

###

Tuhaqtitiyut Hivayaqlugu:

Tyler Ross
Tuglia Atanguyaq, Tuhaqtitiuliqiyi, Ilinniaqtuliqiyut Amigaitiliqiyuniklu
Avatiqiliqiyikkut
867-975-7720
tross1@gov.nu.ca